

四庫全書

史部

# 欽定四庫全書

史部

欽定大清會典則例卷七十六

詳校官檢討臣劉炳

編修臣程嘉謨覆勘

總校官原任中允臣王燕緒

校對官中書臣孫梅

校對官中書臣袁文邵

謄錄監生臣汪元亮

謄錄監生臣李傳燮

欽定四庫全書

欽定大清會典則例卷七十六

禮部

祠祭清吏司

大祀一

一大祀

南郊順治元年定每歲冬至大祀

天於

園丘以

大明

夜明

星辰

雲雨風雷從祀○十二年

諭禮部

郊祀大典朕自即位以來必誠必敬間遣官恭代亦必  
如禮致齋今十一月二十五日冬至祀

天已於十九日遣官恭代但因駐蹕南苑致齋日期爾部未經題明內院諸臣亦未奏知偶失記憶忽然猛省不勝悚惕朕為

天之子昭事當虔既有疎忽何敢自隱即選擇吉日祇申祭告爾部奏行欽此○十四年

諭

南郊祀

天禮宜嚴重其前祀五日朕親詣視牲祀前一日朕親

宿齋宮如遣官恭代亦著詣壇齋宿視牲永著為令

欽此○又定修理

天壇

神版遣太常寺卿一人赴

神位前上香行一跪三叩禮恭奉

神版於

神庫內修理告成之日仍恭奉

神版至原位奉安畢行一跪三叩禮退○康熙三年

諭冬至四從壇分獻向來遣副都統侍郎不合應以都  
統尚書一品大臣分獻欽此。十二年奏準神樂觀  
內大殿所懸匾額繫太和殿三字應改為凝禧  
殿。五十八年

諭祭祀

天壇朕雖年邁必欲親詣於祭前陞壇瞻仰省視俎豆  
量力跪拜退處帷中俟恭代親王行禮畢然後回鑾  
將朕親詣之意於祝文內序明欽此。雍正二年奏

準

天壇大祀

上帝位前金鑪一 幄前門鑪二

配位前金鑪各一 應於各鑪上設蓋 祀時委太常寺官  
各一人恭候

皇帝上香後即行安蓋 所設鑪蓋行工部製造。五年  
諭

天壇內有羣飲嬉遊者 應令禮部太常寺嚴行出示禁



止仍不時令司官前往稽察如有此等之人即行嚴  
拏交部治罪欽此○八年

諭朕自御極以來每值

園丘大祀必親詣行禮至誠至敬以展對越

上帝之悃忱今年冬至之日恭遇

皇考聖祖仁皇帝忌辰禮部太常寺引康熙三十九年  
及四十五年正月初七日祭

祈穀壇恭遇

世祖章皇帝忌辰遣官恭代之例奏稱今年

郊祀之期應照此例遣官恭代朕為此五中展轉今年  
不親行

郊祀之禮於心甚為不安其如何得展朕心而又符合  
典則著大學士九卿敬謹妥議具奏欽此遵

旨議準記稱君子之祭必身親泣之有不能親則使人  
攝可也周禮春官亦稱大祭祀若王不親則攝  
祀唐宋之制大祀與國忌同日者樂備而不作

然議者謂饗神不可無樂未若攝祀之當乎禮也應仍遣官恭代以展明禋○乾隆七年奏準郊祀典禮最鉅是以歷代制度車輦儀仗備列尊崇所以肅明禋而重禮制也周禮祀天用玉輅晉宋以後並皆遵循無異唐宋參用大輦或乘輦自齋宮赴

壇或祀畢御輦還宮雖儀節間有不同皆乘輦輅

親祀

南郊前期詣

齋宮請

御玉輦為宜○又議準冬至前一日

躬詣

南郊齋宿鑾儀衛使率屬陳大駕鹵簿於

午門外奉輦官進玉輦於

太和門階下祇候巳刻太常寺堂官恭請

皇帝乘禮輿出

太和門降輿陞輦鑾儀衛使跪奏請發鑾駕

駕發警蹕

午門鳴鐘鼓翊衛諸臣照例於應乘馬處乘馬左  
右傍輦從行至

南郊

駕由

昭亨門左門入至鋪撥薦處降輦贊引官二人導入

內壝左門詣

圓丘視

壇位分獻官分詣

神庫視籩豆

神廚視牲牢畢贊引官二人導

駕至降輦處陞輦詣

齋宮從祀王公百官蟒袍補服按左右翼立

齋宫外候

皇帝降輦陞禮輿入乃退各歸齋所是夜嚴更宿衛

警蹕環巡次日太常寺堂官按時請

駕乘禮輿出

齋宮陞輦至鋪梭薦處降輦入更衣幄次俟安奉  
神位畢

皇帝具禮服出幄次贊引官二人恭導詣  
壇行禮祀禮既成

皇帝入幄次更衣畢出

昭亨左門外陞輦至

太和門鑾儀使奏請降輦陞禮輿還宮○又奏準

大祀

園丘

祈穀

方澤供設鑪鐙邊豆均於

駕未至前陳設惟進俎俎典儀官於獻玉帛之後唱

進俎庖人始於壇下舁進香鑪鐙几亦須移於

兩旁俎沃湯畢始安復原位倉卒間豈能必其



端正且進俎九十餘人環繞壇上未免進退不齊似非敬謹之意嗣後大祀

圜丘

祈穀

方澤所進之俎亦如籩豆豫先陳設其獻玉帛後典儀官唱進俎止須執湯壺官進前沃俎贊引官恭導

皇帝詣

神位前拱舉進俎毋庸庖人臨時舁進其香鑪鐙几亦  
省移請之煩。又奏準向例大祀

天

地

祈穀如

皇帝親詣行禮迎神樂作

皇帝詣各

神位前上香復位後東西兩門鑪司香官始行點香安

鑪蓋嗣後請照各

壇

廟於請

神位時兩門鑪豫為點香薰壇其安設鑪蓋請照時饗  
太廟例點香畢隨安鑪蓋○又

諭禮部奏稱冬至前一日視祝版常例御補服今恭  
遇

皇太后聖誕值穿吉服日期視祝版詣齋宮皆應御龍

袍袞服等語朕思乘輦前往齋宮鹵簿全設大禮  
所關自應御龍袍袞服嗣後若遇豫日應詣齋宮  
齋宿之祭其視祝版詣齋宮皆應御龍袍袞服隨  
從人等皆穿吉服永著為例欽此○十二年奏準

皇帝御

齋宮日詣

皇穹宇

皇乾殿

皇祇室內上香次詣

壇視

壇位又次

閱邊豆畢詣

齋宮。十三年

諭向來

郊壇大祀凡遇遣官恭代之日大學士等均不齋戒陪  
祀蓋因會典開載定例有武官公以下輕車都尉

以上文官尚書以下員外郎品級以上之語是以親王及內大臣大學士等咸不陪祀朕思王等天潢近派原與臣僚不同自當隨駕前往內大臣等職司環衛若專顧陪祀則禁直必至曠誤惟親行扈從亦為合宜若大學士乃政府之臣為百僚表率尤當敬謹齋宿以為衆倡何以轉不陪祀揆厥由來蓋緣明代大學士僅列五品在尚書以下文官以尚書為冠則大學士等已在其中至我朝雍

正年間大學士既定為一品在尚書之上則所稱尚書以下應改為大學士以下嗣後一切祭祀大學士等均令齋戒陪祀將此載入會典欽此。十

四年

諭朕於

兩郊大祀先御齋宮以齊一思慮記曰齋者耳不聽樂孔子曰三日齋一日用之猶恐不敬二日伐鼓何居言不敢散其志也今齋宮宵漏下鳴畫角嚴鼓

以為節雖異於宮懸合奏而吹角鼓鼙軍中之容  
豈所謂專致其精明者與此蓋相沿前明弊典未  
更後此嚴更鼓角不當用之齋次大學士其會同  
該部定議以聞欽此遵

旨議準齋戒以交神明防外聲之感乃以肅內心之  
敬鼓本樂器而用兼施於軍角為軍樂而後遂  
設於鹵簿齋壇之夕嚴更鼓吹畫角其義誠無  
所取請嗣後



齋宮吹角嚴鼓悉行停止以昭肅穆○又議準

兩郊壇宇歲修向有著令而金碧采章或日久不鮮階級甄甃間有損闕堊赤間有漫漶均應敬謹修理俾可經閱久遠其

壇內供器用物亦遵定制增飾見新再興工前期應恭請

神版於別殿安奉

天壇大饗殿地處尊嚴應於繕修

皇穹宇時恭請

皇天上帝神版

列聖神牌於殿內安奉兩廡安設

從壇神位竣工竣還御後乃節修

皇乾殿○又

諭

園丘張幄次及陳器品處過窄既議鼎新可將

園丘三成臺面仍九五之數量加展寬則職事者得以

從容進退益昭誠敬爾等詳議具奏欽此遵

旨議準

園丘舊制照明官司尺一成徑廣五丈零九寸當九五  
之數稍涉牽合而三成用十二丈則於奇義無  
取今擬照律呂正義所載古尺制度一成面徑  
九丈為一九二成面徑十五丈為三五三成面  
徑二十一丈為三七則天數一三五七九於此  
而全合三成徑數共四十五丈脗合九五之義

帷次亦可加展廣深陳設器物職事人員咸得  
從容進退以昭誠敬其

壇面甃塊原制上成圓面九重二成七重三成五重未  
免參差今

壇面既加展寬應請均用九重遞加環砌一成自一九  
遞至九九二成自九十至一百六十二三成自  
一百七十一至二百四十三體制庶為整齊計  
每塊長三尺六寸有奇上廣三尺五寸有奇下

廣一尺勢難用甄應取用艾葉青色石庶質性  
堅良可以經久至每成四陞之外闌版圍繞每  
成四面一成每面十八扇二成每面二十有七  
三成每面四十有五總計三百六十扇亦與周  
天度數相符以上三成臺面並闌板長闊高厚  
階級廣深均按古尺略加增減悉與九數相合  
以上應乾元之法象○十五年奏準

園丘展寬幄次應請更新

皇穹宇

皇乾殿內供奉

神龕內外帷幔並供奉各案外帷均應用青色織金龍

段以符體制

園丘壇面既改用青石其張設幄次所需柱木應即於

壇面鑿眼安設無事更用拴絆石鼓致礙進退

趨蹌其

皇穹宇臺面前檐砌墁舊制雜用石與琉璃並請照

圜丘壇制均用青白石鋪墁以昭畫一。又奏準

圜丘內外墻

皇穹宇門樓圍垣向覆綠瓦均請改用青色琉璃以符

體制又

皇穹宇扇面牆垣上截舊飾青灰並改用青色琉璃砌

墁。又奏準

天壇內供奉

神龕寶座一切器用塗飾丹漆並蓋袱等物布帛色雜

用青黃均請照制禮從類辨色從方之義將

天壇陳設器物色皆用青。又奏準

郊壇陪祀官行禮雖有定位但皆臨時設立版位恐就  
列不免參差難以整肅請仿

殿陛朝儀於行禮處安設品級拜石按班就次庶  
免隕越其內壝門內東西陳設樂器亦於地面  
立石俾方位昭然。又奏準

天壇興工應先於



祈穀壇經始竣繕修完竣乃節修

皇穹宇

圜丘○又奏準

圜丘

祈穀壇

方澤臺階上下陳設銅鼎成式不一體制亦粗應將舊  
鼎各按方圓改鑄又舟以承尊各壇所設尊案  
體制不齊請

三壇正位設案一可受一尊

東配位共設一案可受三尊

西配位共設一案可受二尊以昭畫一○十七年奏準

修理

園丘

皇穹宇擇吉興工前期遣官祇告

天

地

太廟後殿

奉先殿

社稷屆期詣

皇穹宇以奉請

神位祇告

皇天上帝

列聖

從壇神位禮部尚書率太常官恭奉各



神版至

祈年殿敬謹安設興工之日各遣官祭

后土

司工之神儀均與

祈穀壇禮同○十八年奏準

南郊工竣遣官祭

后土

司工之神擇吉恭請

神位還御前期一日遵照原議遣官祇告

天

地

太廟後殿

奉先殿

社稷至日恭詣

祈年殿奉請

神位還御太常寺鑾儀衛官率校尉設龍亭於

祈年殿前禮部尚書詣

殿內上香行三跪九叩禮畢太常官詣各

神位前一跪三叩恭請

神版安奉各龍亭內跪叩如初昇亭依次行出

祈年門進

成貞門至

皇穹宇恭奉

上帝神版

配位

從位神牌奉安

皇穹宇上香行禮如前

一孟春

祈穀順治元年定每歲正月上辛日祀

上帝於

南郊為民祈穀。十四年題準順治十五年正月初四

日上辛



祈穀之期前三日齋戒正值元旦改期於十四日次辛  
行禮○十七年

諭帝王奉

天子民禮隆禋祀饗

帝大典所關尤重必儀物克備乃足昭對越之誠向來  
郊祀惟冬至用燔柴禮

祈穀未經舉行雖祀典原有差等而同為祀

上帝典禮不宜有異嗣後



祈穀皆行燔柴欽此。康熙二十八年

諭祈穀祝文每年皆用定式既為民祈求宜直抒情事  
去歲直隸亢旱已經蠲免振濟但三冬雨雪甚少朕  
心仍切焦勞此祝文該衙門將朕肫懇卹民之意切  
實撰擬進覽欽此。三十七年

諭大祀

圓丘樂舞生班次與王等行禮之處相遠觀瞻甚屬整  
齊惟

祈穀壇陪祀王等向來序立於樂舞之前樂舞生或因  
地狹而動不合禮應將樂舞生移列於前王等在後  
行禮爾等詳看議奏欽此遵

旨議準量看

祈穀壇地面自

大饗殿門檻南至臺階縱六丈五尺原設樂舞位去石  
階一丈今移列於前去石階二丈其餘二丈為  
諸王行禮之地樂舞生去殿門三丈有奇前引

大臣序立於檐下左右與奏樂處相去一丈餘  
庶觀瞻整肅而佾舞位次亦不致以地狹越禮  
○五十四年

諭據太常寺奏春祭

祈穀壇於初十日上辛致祭但次年正月初十日雖繫  
上辛尚未立春從前亦有於次辛下辛致祭之時大  
學士會同太常寺議奏欽此遵

旨議準於正月三十日下辛行禮○雍正七年

諭定例正月上辛日祈穀於

上帝若上辛在正月初五以前則於次辛行祈穀之禮  
雍正三年五年均以次辛祈穀由舊章也但思元旦  
朝賀者朕躬之禮儀上辛祈穀者祀

天之大典明年正月初二日上辛禮部題請於十二日  
中辛行祈穀禮朕思若以正月而論則十二日為中  
辛若以立春後而論則十二日為下辛矣因元旦朝  
賀筵燕而展祈穀之期朕心深有未安著定於初二

日 上 辛 行 禮 先 期 照 例 敬 謹 齋 戒 停 止 朝 賀 筵 燕 嗣  
後 若 元 旦 逢 上 辛 之 期 則 於 次 辛 祈 穀 如 在 初 五 以  
前 或 值 初 七 日

世 祖 章 皇 帝 忌 辰 著 該 部 兩 奏 請 旨 欽 此 ○ 九 年 奏 準  
正 月 十 七 日

祈 穀 行 禮 時 朝 服 仍 用 緣 貂 朝 服 ○ 十 二 年

諭 前 據 太 常 寺 奏 請 於 雍 正 十 三 年 正 月 初 十 日 恭 祀  
祈 穀 壇 今 據 順 天 府 尹 奏 於 雍 正 十 三 年 正 月 十 二 日

進春朕思祈穀乃新春典禮似不應在立春以前著該部會同太常寺悉心定議具奏欽此遵

旨議準孟春

祈穀國家大典謹按禮經月令立春之日天子迎春於東郊嗣乃祈穀於

上帝是祈穀之禮原應在立春之後所以順時令而名農祥也雍正十三年祈穀應照康熙五十四年改期下辛祈穀之例擇於正月二十日致祭並

請嗣後每年

祈穀均在立春後上辛日舉行永著為例。乾隆元年  
奏準正月上辛恭祀

上帝為民祈穀其三獻仍令進爵官跪進於

皇帝恭候

親獻。三年題準乾隆四年正月初四日乃上辛

祈穀之期前三日齋戒時值元旦仍遵照次辛祈穀之  
例改期於十四日行祈穀禮。十四年議準

祈穀壇有當修整者應及時鳩工敬謹辦理其

壇內器用亦依定制增飾見新再興工前期應恭請

神位於別殿安奉繕修

皇乾殿殿內所奉

上帝神版

列聖神位應恭請於

大饗殿內安奉竣工竣還

御後乃節修



大饗殿。十五年題準。乾隆十六年正月初九日立春。初三日上辛繫在立春以前。改期於十三日。次辛行祈穀禮。又奏準。

皇乾殿內供奉

神龕內外幃幔及供案帷均照式。改用天青色織金龍段制與

皇穹宇同。又奏準。

祈穀壇

大饗殿外三成臺面屢經修補甄色不一應請改用金  
甄墁砌既堪經久於體制亦為宜稱○又奏準

皇乾殿正位供案較

配位供案高一尺高低甚屬懸殊擬照

地壇僅高一寸之制將

祈穀壇

配位供案加高九寸○又奏準

皇乾殿門圍垣舊繫綠色請亦改為青色琉璃以符體

制。又奏準

祈穀壇內一切陳設器用均照

圓丘色用青。又奏準修整

祈穀壇擇吉自

皇乾殿興工前期各遣官一人祇告

天

地

太廟後殿

奉先殿

社稷興工日祭

后土

司工之神恭請

皇乾殿神版奉安

大饗殿遣官詣

皇乾殿祇告

皇天上帝

列聖配位祀畢禮部尚書詣

神位前上香行三跪九叩禮太常官恭奉各

神版敬謹安設於龍亭行一跪三叩禮校尉昇亭太常

官十人前引由中門出至

大饗殿前以次排列太常官詣龍亭前一跪三叩恭奉  
神版奉安

大饗殿內禮部尚書詣

神位前上香行禮如前祇告事宜由內務府太常寺奏

辦祝文由翰林院撰擬○十六年覆準

祈穀壇匾額舊書

大饗殿宇殿與門名相同按大饗之名禮經皆指季秋報祀而言與孟春祈穀稍異應請別薦嘉名以昭盛典奉

旨改

大饗殿為

祈年殿

大饗門為

祈年門○又奏準

祈年殿舊制繫三覆檐上覆青瓦中覆黃瓦下覆綠瓦  
三色互異請將

殿上琉璃覆瓦改用一色純青其大門及兩廡均用青  
色○又奏準

皇乾殿興工將次告竣擇吉迎吻吻上應照例用裏金  
銀花二對紅段二方龍旗御仗各一對和聲署

作樂前引禮部工部內務府太常寺官均迎接  
由

祈年門進照例遣官致祭

琉璃窰並

祈年門之神其承祭官暨禮部工部內務府太常寺  
堂官並在工執事各官均照例簪花披紅行禮  
其安叻插劍合龍門懸匾額照例遣官祭

司工之神祭文由翰林院撰擬承祭官由太常寺



奏遣龍旗御仗裏金銀花等項由工部製造段  
綃等物由戶部移取。又奏準

皇乾殿工竣恭奉

神位還御遣官祇告禮部尚書率太常官恭奉

神版還御儀與繕修

皇乾殿先期奉請禮同

一

雩祀順治十四年四月

世祖章皇帝以亢旱

躬詣

園丘祈雨前期致齋三日王以下陪祀各官皆致齋三

日官民人等咸衣淺淡色服禁屠宰至期太常  
寺豫設酒果脯醢薦熟牛一

世祖章皇帝素服行步禱禮不設鹵簿不除道不奏樂  
不設

配位不奠玉不飲福受胙遣官致祭

方澤

社稷

神祇壇未還

宮大雨○次三日告謝

園丘

方澤

社稷

神祇各遣官一人行禮○十七年五月

世祖章皇帝以亢旱祈禱不除道不設鹵簿先期步至  
天壇即於

壇內齋宿三日至期子時祀於

上帝與十四年同○康熙十年四月

聖祖仁皇帝以亢暘不雨

躬詣

天壇禱祀前期致齋三日王以下陪祀各官咸齋戒前

期一日

御素服詣

壇致祭繼以雨足告謝各

壇均與順治十四年同○二十六年

諭京師為天下根本之地乃幾月不雨朕甚憂之欲躬  
行祈禱大小臣工宜盡誠齋戒毋循故事欽此祀日

聖祖仁皇帝雨冠素服不設鹵簿大駕乘馬詣

天壇自壇西門下馬步至

圜丘致祭與十年同祭畢仍步出壇西門

回鑿時大雨立降。○二十八年以天時亢旱

命九卿詹事科道步禱於

天神

地祇

太歲三壇並遣官致祭

園丘

方澤

社稷以祈甘雨不設配位不奏樂不奠玉諸王以下

滿漢文武各官以上至民間咸素服致齋三日  
三十二年三月因陝西屢遭荒旱

命皇子往祭

西嶽華山之神祈禱雨澤○四月

諭本月初六日致祭華山是日著禁止屠宰欽此○雍  
正十年

諭天時亢旱著禮部太常寺虔誠祈禱照例禁止屠宰  
不理刑名欽此遵

旨於顯佑宮等五廟祈禱未應又  
諭著九卿等虔誠祈禱欽此遵

旨議準恭請遣官致祭

天神壇

地祇壇

太歲殿並望祭

四海之神。乾隆七年議準每歲巳月擇日行常雩

禮祀



皇天上帝於

圜丘奉

列聖配饗

四從壇從祀前期奏請

皇帝親詣行禮或遣親王行事

常雩既舉如未得雨先祈

天神

地祇

太歲次祈

社稷遣官各一人皆七日一祭告各官咸齋戒陪祀

如仍不雨還從

神祇等壇祈禱如初旱甚乃

大雩

皇帝躬禱

皇天上帝於

圜丘不設鹵簿不除道不作樂不設

配位不奠玉不飲福受胙三獻樂止用舞童十六人衣  
元衣為八列各執羽翳歌

御製雲漢詩八章餘儀與

常雩同祭後雨足則報祀或已齋未祈暨曾經祈禱者  
皆報祀再

社稷

宗廟

太歲壇舊有樂章惟

神祇壇向無樂章應交與律呂正義館撰定其僧道  
建壇祈雨實非古制應請停止設壇止令僧道  
官督率僧道在

顯佑宮等五廟虔誠祈禱禮部分遣司官察看並  
禁止屠宰不理刑名○八年六月

諭近日京師天氣炎蒸雖有雨澤並未霑足若再數  
日不雨恐禾苗有損且人民病暵者多朕心深為  
憂惕著禮部即速度誠祈禱欽此遵

旨擇日致祭

天神

地祇

太歲等壇遣王大臣各一人行禮又

諭此次祈禱雨澤前期一日暨祭期共二日齋戒禁止屠宰得雨即不必祈禱若不雨應祈禱

社稷壇前期三日暨祭期共四日齋戒禁止屠宰欽此○是月祈禱

天神

地祇

太歲三壇即得雨露足照例奏請報祀前期齋戒奉  
旨此申報致祭不必禁止屠宰欽此。九年

諭京師及附近府屬如天津河間等處自冬徂春雨  
雪稀少今清明已屆農事方殷朕心深為憂惕宮  
中默禱已非一日矣此時雖未至雩祭之期亦當  
敬謹祈求以祈膏澤早降著禮部順天府虔誠祈

禱速議舉行欽此遵

旨議準於

關帝廟

城隍廟設壇擇日同順天府官率僧道各十二人  
先一日薰壇祈禱五日王以下各官咸致齋不  
理刑名照常辦事民間禁止屠宰九卿輪赴虔  
禱並於

黑龍潭虔誠祭禱五日不雨復薰壇祈五日又致

祭

凝和廟雲神

時應宮龍神

宣仁廟風神

昭顯廟雷神虔誠祭禱五日仍不雨齋祈如初復

分祭

黑龍潭五所得雨則用牲報謝如不雨遇行

常雩禮停祈



關帝廟

城隍廟即分禱於

神祇等壇。又

諭京師自春徂夏雨澤愆期風霾時行朕心憂惕親製祭文遣官虔禱於

宣仁廟著禮部太常寺遵照典禮即於初八日敬謹舉行欽此。又

諭

雩祭之典所以為百穀祈膏雨也從前大臣等定議禮儀悉照

圜丘之制朕思目下畿輔雨澤愆期此次舉行

雩祭正望恩迫切之時非每夏常雩可比其先期前詣齋宮及祭畢回鑾朕皆御常服不乘輦不設鹵簿不作樂以示虔誠祈禱為民請命之意欽此太常

寺奏請

皇帝躬閱祝版玉帛香應否仍龍袍袞服祭日應否

仍御禮服

駕詣

圜丘祭畢回

鑾不陪祀王公百官赴

午門前迎送應否照常朝服奉

旨恭視

上帝祝版玉帛不敢御常服自應仍御袞服午門前迎  
送王公各官均服常服欽此○是年常雩日

皇帝由齋宮步至

園丘行禮

回鑾徹樂仍照七年原議遣官祈禱於

神祇各壇甘霖疊沛乃遣官報祀並於常雩以前曾

經祈禱之各廟均報祀如常儀○十年奏準祈

禱雨澤自四月二十一日至五月初十日祭告

各

壇適值夏至大祭在邇應埃大祭

方澤後再行祈禱報祀。又奏準祈雨儀前期

皇帝詣齋宮不設大駕鹵簿不作樂祀日

皇帝雨冠素服陪祀王公大小官員亦用雨冠素服

其

午門前迎送各官咸常服。二十四年六月

諭朕躬祭

方澤值祈雨之時竭誠籲懇未獲甘霖夏至已踰迫不可待後日即進宮徹膳虔齋思過待

命十一日敬舉

大雩之禮以祈

天佑一切禮儀該部速議以聞欽此遵

旨議準

大雩祀

昊天上帝於

圜丘不設

列祖配位仍設

四從神位於第二成東西嚮祀前一日

皇帝御常服詣

太和殿視祝版執事官咸常服已刻

皇帝詣壇齋宿常服乘騎出宮不乘輦不設鹵簿不

陳樂前引後扈大臣侍衛咸常服導從

午門鳴鐘不陪祀王公百官常服跪送

駕至

南郊由壇西門入至

昭亨門外降騎步行入

壇恭視

壇位上香行禮如儀祀日

皇帝雨冠素服步禱於

壇扈從官暨陪祀執事各官咸雨冠素服不燔柴不進

俎不飲福受胙餘樂章樂舞及玉帛器數悉與

常雩同

皇帝行三獻禮畢復位北嚮立司樂協律郎引舞童



十有六人衣元衣執羽翳進至第一成壇上為

八列贊引官奏跪

皇帝跪羣臣皆跪舞童乃舞皇舞按節歌

御製雲漢詩八章歌畢退贊引官奏拜興

皇帝率羣臣行三拜禮興乃徹饌送

帝神望燎並如常雩儀禮成

皇帝還宮

午門鳴鐘不陪祀王公百官常服跪迎如初儀是

日遣官一人告祭

方澤次日油雲四布甘雨普降四郊霑足卜吉分遣官

報祀

圜丘

方澤

社稷一如大祀儀

大祀二

一大祭

北郊順治元年定每歲夏日至大祭

地於

方澤以

五嶽

五鎮

四海

四瀆從祭。○八年尊封

肇祖原皇帝

興祖直皇帝 永陵山為啟運山

景祖翼皇帝

顯祖宣皇帝 陵山為積慶山

太祖高皇帝 福陵山為天柱山

太宗文皇帝 昭陵山為隆業山 從祭

方澤附

五嶽

五鎮之次○又定凡

親祭

方澤飲福受胙如

圜丘禮○十六年奉移

景祖翼皇帝

顯祖宣皇帝陵祔

興京啟運山停積慶山從祀○康熙二年尊封

世祖章皇帝孝陵山為昌瑞山從祭

方澤祔

三陵山之次。雍正五年奏準大祭

方澤

皇地祇

配位前金鑪應各增鑪蓋交與工部敬謹製造。乾隆

元年尊封

世宗憲皇帝泰陵山為永寧山從祭

方澤祔

四陵山之次○七年議準修理

方澤齋宮每夏至大祭先期一日詣壇齋宿

南郊

詳見

八年

諭嗣後朕大祭

地於

方澤既豫宿齋宮其壇北門外幄次不必張設欽此

九年

諭夏至祭

方澤朕先期一日詣壇齋宿但彼處樹木新植尚未成  
陰天氣炎熱扈從人多不免有病暍者今歲炎熱  
甚於舊歲此次不必前詣壇內齋宿仍於宮內齋  
宮住宿嗣後遇親祭之年該衙門兩請候旨蒞樹  
木成陰後仍照例齋宿壇內此次前往致祭正當  
祈雨之時不乘輦不設鹵簿著即傳諭各該衙門  
知之欽此○十一年



諭今歲夏至致祭

地壇齋宮樹木漸次成陰扈從人等已有憇息之所況  
逢時雨之後天氣清涼朕仍照原議前往

壇內齋宮住宿欽此○十三年

諭朕覽吏部等衙門所奏致祭

地壇陪祀之文武大臣官員其中不到者甚多嗣後凡  
遇一應朝祀大典應行齊集之處如有仍蹈前轍  
者朕斷不為之姑容至稽察齋戒之大臣尤宜敬

謹從事豈有轉不陪祀之理此後宜一例齋戒欽  
此○十四年

諭稽古明禋肇祀

郊壇各以其色

地壇方色尚黃今

皇祇室乃用綠瓦蓋仍前明舊制未及致詳朕思

南郊大饗殿在勝國時合祀

天

地山川故其上覆以青陽玉葉次黃次綠具有深意且  
南郊用青而

地壇用綠於義無取其議更之至

兩郊壇宇雖歲加塗墍而經閱久遠應勅所司省視所  
當修整者敬謹從事大學士會同各該衙門詳考  
典章具議以聞欽此遵

旨議準

北郊

皇祇室蓋用綠瓦繫沿明舊制應依方色改易黃瓦以符坤德黃中之義

壇宇有當修整者咸交與工部敬謹辦理俾可經閱久遠其

壇內需用器物亦遵定制增飾見新再興工前期各殿宇

神位理宜恭請於別殿暫時安奉  
地壇內向無別殿應於繕修

皇祇室前期將舊有供奉祝版及籩豆房五間重加修飾敬製平臺六座安奉

皇地祇神版於中

列聖神牌於左右東西兩旁敬製平臺各一座安奉

從壇神牌埃工竣之日恭請還御○十五年奏準

方澤二成臺面琉璃惟中含六六陰數其餘皆繫湊合於義無取請照

園丘壇制鋪石就壇面鑿眼以備安設幄次其石數一

成正中仍照舊制用三十有六八方均以八八積成縱橫各二十四路二成倍一成八方八八之數半徑各八路庶與偶數相應而甄式勻稱益堪永久。又奏準

方澤壇舊制

正位幄次縱丈六尺五寸廣丈二尺

配位幄次縱丈五尺廣丈一尺較

圜丘幄次為大而

方澤

正位牲俎設幄內

配位牲俎半在幄內半在幄外體制不免參差職事趨  
踞亦覺太狹應將縱廣尺寸均改為丈二尺照

園丘壇制皆於幄次外設牲俎以昭畫一。又奏準  
地壇

皇祇室綠瓦已遵

旨改用黃瓦所有內外壇牆及各門向覆綠瓦請一

色改用黃琉璃○又奏準

南郊

正位

配位神龕內外設幄幔三層

北郊

正位

配位神龕僅設一帷體制未能畫一請照

南郊龕式增設又舊制龕案帷色均用金黃今請改用



明黃。又奏準。

北郊陳設一應器用均從方色用明黃。又奏準。

南郊設請。

神位龍亭十。

祈穀壇設請。

神位龍亭六以備祭祀時迎送之用惟。

北郊繫職事官奉請不設亭應增造請。

神位鳳亭十座以昭畫一。十六年奏準修理。

北郊

皇祇室擇吉興工前期遣官告祭

天

地

太廟後殿

奉先殿

社稷屆期詣

皇祇室以奉請

神位祇告

皇地祇

列聖

從壇神位禮部尚書率太常官恭奉各

神版至暫奉

神位所敬謹安設於新製平臺上興工之日各遣官祭

后土

司工之神儀均與修

卷之十一  
卷之十一  
祈穀壇禮同○十七年奏準

北郊工竣除祇告

天

地

宗

社請蒞

南郊工竣日舉行至擇吉恭請

神位還御

皇祇室應遣官詣暫奉

神位所祇告

皇地祇

列聖

從壇神位禮部尚書率太常寺官恭奉各

神版還御奉安畢行一跪三叩禮並於是日遣官祭

后土

司工之神均與興工禮同

欽定大清會典則例卷七十六

欽定四庫全書

欽定大清會典則例卷七十七

禮部

祠祭清吏司

升配

一

列聖升配順治五年冬至恭奉

太祖高皇帝配饗

園丘前期遣官各一人祇告

天

地

宗

社至日

世祖章皇帝恭奉

神牌奉安於第一成

上帝幄左旁青幄跪安畢興至香案前行一跪三拜禮



復位乃行大祀禮

神位前上香奠帛進俎三獻均與

上帝位前同○十四年

諭禮莫重於事

天孝莫大於尊

親朕纘承鴻緒恪修祀典

郊祀皆奉

太祖武皇帝配饗今思

太祖受命

上天肇興帝業

太宗繼志述事丕振皇猷功德並隆咸宜崇祀以後冬

至祈穀祭

天均奉

太宗同

太祖配饗夏至祭

地均奉

太祖

太宗配饗著為定例其應行儀節爾部卽詳議具奏欽

此遵

旨議準配饗事宜今夏至在邇冬至尚遠肇舉配饗之  
典先

方澤而後

圜丘於序少紊若埃冬至

太宗配

天之後明歲舉行

方澤配饗禮為期太遠應不俟冬至夏至令恭製

太祖

太宗神牌及寶座几案擇吉先行

太宗配饗

圜丘

祈穀之禮隨行

太祖

太宗配饗

方澤之禮前期遣官祇告

天

地

宗

社屆期恭奉

神牌配饗

園丘

方澤

大饗殿一切禮儀均如

南北郊儀大禮告成布告天下。是年正月上辛

祈穀奉

太祖高皇帝配饗

世祖章皇帝恭奉

神牌由

大饗殿左門入奉安於

上帝位左旁寶座一應禮儀均與五年升配

圓丘禮同。是年三月奉

太宗文皇帝配饗

圓丘並

大饗殿祀日

世祖章皇帝先詣

圓丘奉安

神牌於

上帝幄之右旁青幄禮成詣

大饗殿恭奉

神牌奉安於

上帝位右旁寶座一應禮儀均與恭奉

太祖高皇帝配饗禮同。是年夏至奉

太祖高皇帝

太宗文皇帝配饗

方澤祭日



世祖章皇帝恭奉

神牌奉安於

皇地祇幄旁東西配位黃幄一應禮儀與升配

園丘同○康熙六年

諭朕惟自古帝王建極綏猷保民圖治莫不以懋昭先  
德祇盡孝誠為務朕纘承丕基躬親庶政恭惟

世祖章皇帝功德兼隆當崇配饗是用上稽前典下協

輿情謹告

天

地

宗

社率諸王貝勒文武羣臣於康熙六年十一月七日  
冬至大祀

天於

圓丘奉

世祖章皇帝配饗欽此祀日

聖祖仁皇帝恭奉

神牌奉安於

上帝幄之左旁

太祖高皇帝之次第二青幄一應禮儀均與順治十四

年同。是年十一月十六日奉

世祖章皇帝配饗

方澤祭日

聖祖仁皇帝恭奉

神牌奉安於

皇地祇幄之左旁

太祖高皇帝之次第二黃幄禮儀與順治十四年同。

九年正月奉

世祖章皇帝配饗

大饗殿祀日

聖祖仁皇帝恭奉

神牌奉安於

上帝位之左旁

太祖高皇帝之次禮儀與順治十四年同。雍正元年

九月初五日

諭自古祖功宗德制在不祧饗帝饗親祀應並舉仰惟  
皇考聖祖仁皇帝六十一年豐功厚澤深洽人心四千  
餘年哲后賢君難侔歷服朕纘承丕緒永念前徽  
皇考聖祖仁皇帝允宜崇祀

郊壇克配

上帝以後冬至祈穀祀

天祇奉

聖祖仁皇帝同

太祖高皇帝

太宗文皇帝

世祖章皇帝配饗夏至祭

地亦如南郊祈穀祇奉配饗其應行禮儀爾部詳議具

奏欽此○是年冬至大祀

天於

圓丘奉

聖祖仁皇帝配饗前期遣官祇告如常儀祀日

世宗憲皇帝恭奉

神牌奉安於

上帝幄之右旁

太宗文皇帝之次第二青幄一應禮儀均與康熙六年

同○二年正月上辛

祈穀恭奉

聖祖仁皇帝配饗

大饗殿祀日

世宗憲皇帝恭奉

神牌奉安於

上帝位之右旁

太宗文皇帝之次禮儀與康熙九年同。是年夏至奉

聖祖仁皇帝配饗



方澤祭日

世宗憲皇帝恭奉

神牌奉安於

皇地祇幄之右旁

太宗文皇帝之次第二黃幄禮儀與康熙六年同○十

三年十一月二十日

諭自古聖君哲后為

上天篤生以乂安寰宇嘉惠元元功德之盛侔於造化

厥後追崇之典必合

天並饗以隆祀典詩載思文之什易垂殷薦之文皇哉  
大矣仰惟我

皇考世宗憲皇帝值重熙累洽之後統御乾綱誕敷膏  
澤顯承

帝命默契

天心殫繼述之孝思裕經綸之要道由是宣之為政教  
飭之為法紀勵百爾之廉能卹萬民之疾苦蠲逋

賦飭軍威靜桁楊籌水旱勸課農桑砥礪風俗倦  
倦懇懇心勤宵旰之中而慮周垓埏之表至若隆  
師重道取士增科文德著焉輯寧邊塞撫乂蠻貊  
武烈彰焉洋洋

聖謨儼如

天語煌煌

睿藻煥若

天文至治光華格於上下如日月之行運無不照臨如

雨露之沾濡無不周溥用能合撰

帝載協應

蒼穹嘉祥畢集朕惟本天本祖之義尚德尚功之典我  
皇考世宗憲皇帝允宜崇祀

郊壇克配

上帝以昭

天眷然必輿情允協衆議僉同嗣後冬至祈穀祀

天祇奉

世宗憲皇帝同

太祖高皇帝

太宗文皇帝

世祖章皇帝

聖祖仁皇帝配饗夏至祭

地亦如南郊祈穀禮祇奉配饗所有應行典禮爾部會

同九卿翰詹科道詳議具奏欽此遵

旨議準應於乾隆二年冬至奉

世宗憲皇帝配饗

圓丘乾隆三年孟春上辛奉

世宗憲皇帝配饗

大饗殿乾隆三年夏至奉

世宗憲皇帝配饗

方澤其各

壇增設供奉

世宗憲皇帝神牌及

天壇

地壇幄次

大饗殿奉安

神位寶座並

神位前一切陳設器用禮部會同太常寺相度地基詳

晰妥議交與工部敬謹製造。乾隆元年十二

月初九日

諭仰惟

皇考世宗憲皇帝德並高深恩覃海宇駿烈鴻功垂裕  
萬世允宜配饗

郊壇永崇禋祀朕思來年三月之吉升祔

太廟之後配饗之禮理宜敬謹舉行第其時夏至伊邇  
冬至尚遙若先奉配

方澤恐前後之未協若竢冬至

南郊然後舉行又覺時日之久曠敬稽我朝順治十四

年三月



世祖章皇帝恭奉

太宗配饗

園丘翼日配饗

方澤康熙六年十一月丁未時屆

南郊

聖祖仁皇帝恭奉

世祖配饗越十日配饗

方澤兩朝典制均繫特行禮隆儀備燦垂史冊且稽之

經傳成周郊祀后稷以配天宗祀文王於明堂以配上帝卽月令所謂季秋大饗帝也名誥載三月丁巳用牲於郊釋者謂非常祀而祭天以告卽位也又宋仁宗皇祐二年以大慶殿為明堂合祭天地三聖並侑一如南郊圜丘之儀則是古來因事南郊之禮不必定在二至之時明矣我朝舊制盡孝盡誠與古符合來年

世宗憲皇帝配

天大禮宜遵照舉行其應行典禮爾部會同總理事務  
王大臣內閣九卿敬謹詳議具奏欽此遵

旨議準乾隆二年三月初五日

世宗憲皇帝升祔

太廟後其時夏至伊邇冬至尚遙謹遵

兩朝舊制於夏至之前欽天監敬選吉日恭奉

世宗憲皇帝配饗

圓丘乾隆二年夏至配饗

方澤仍照原題於乾隆三年孟春上辛日配饗

大饗殿恭按

太祖

太宗配饗時所造青幄規模闊大至

世祖

聖祖配饗增設青幄照式製造今若仍遵舊制則地勢

稍狹應將

配位青幄均酌量改造其青幄內供案亦稍加收改

配位青幄既經重造

上帝青幄亦宜重飾見新○二年四月十三日具

奏

世宗憲皇帝升配

園丘儀奉

旨爾部具奏

皇考配饗

天壇儀注朕敬謹詳閱內稱配饗時朕恭奉

皇考神牌升壇奉安於東三青幄等語並未議及祇見上天之儀朕思

皇考升祔

太廟時先行祇見

列祖

列后禮畢然後陞座今配饗

圓丘亦應先行祇見

上帝禮然後陞座於理方協著總理事務王大臣會同

爾部敬謹詳議具奏欽此遵

旨議準

神牌至內壝門外龍亭止

皇帝詣龍亭前行一跪三拜禮恭奉

神牌進內壝左門升壇向上立太常寺官豫設

世宗憲皇帝神拜褥於正中贊引官跪奏

世宗憲皇帝配饗

天壇祇見

皇天上帝

皇帝恭奉

神牌跪安於拜位贊引官引

皇帝退就拜位立贊引官奏跪拜興

皇帝恭代行三跪九拜禮畢贊引官跪奏請

世宗憲皇帝升座

皇帝進前跪奉

世宗憲皇帝神牌興奉安於



上帝幄之左旁第三青幄退至香案前行一跪三拜禮  
太常寺官起

世宗憲皇帝神拜褥退此行禮時衆官不隨行禮餘均  
如原奏儀其夏至配饗

方澤均如前儀至明歲正月上辛配饗

大饗殿已在配

天之後不必再行祇見之禮○二年四月十六日

皇帝恭奉

世宗憲皇帝配饗

圓丘前期一日遣官祇告如常儀祀日

皇帝恭奉

神牌祇見

上帝禮畢奉安

神牌於

上帝幄之左旁

世祖章皇帝之次第三青幄大祀禮儀與雍正元年同

是年夏至

親大祭

地於

方澤恭奉

世宗憲皇帝配饗前期一日遣官祇告如常儀祭日

皇帝恭奉

神牌祇見

皇地祇禮畢奉安

神牌於

皇地祇幄之東旁

世祖章皇帝之次第三黃幄大祭儀與雍正二年

大饗殿禮同○三年正月初六日上辛

親祈穀於

上帝恭奉

世宗憲皇帝配饗前期一日遣官祇告如常儀祀日一

應禮儀與雍正二年同



欽定大清會典則例卷七十七